



Reglamento di korekshon PKL

2026

periodo 1
djaluna 11 di mei
07.30 - 10.00 or

Hende i Komunidat

Entregá skor

Prosesá e skornan di tur kandidato den e programa online AWP.

E skornan mester ta yená pa mas tardá djaluna 1 di yüni 2026, 12 or di mèrdia.

E reglamento di korekshon ta konsistí di:

- 1 Regla pa evaluashon
- 2 Regla general
- 3 Regla spesífiko di vak
- 4 Modelo di evaluashon

1 Regla pa evaluashon

Ta evaluá trabou di e kandidatonan tumando na konsiderashon artíkulonnan 30, 31 i 32 di Dekreto gubernamental v.w.o.-h.a.v.o.-v.s.b.o. fechá 23 di yüni 2008, PB.no.54.

E siguiente pasashinan di e artíkulonnan di e Dekreto gubernamental, menshoná akiriba, ta importante pa evaluashon:

- 1 Eksaminadó ta risibí di direktor e trabou trahá, ku un ehemplar di e tareanan, e normanan di evaluashon i prosèsverbal di e èksamen. Esaki ta koregí e trabou i ta mand'é, ku su evaluashon pa e direktor. E eksaminadó ta apliká e normanan di evaluashon i e reglanan pa determiná punto di skor ku ETE (Ofisina di èksamen) a duna.
- 2 Inmediatamente direktor ta manda pa ko-eksaminadó e dokumentonan ku el a risibí di e eksaminadó, ku un ehemplar di e tareanan, e normanan di evaluashon, prosèsverbal i e reglanan pa determiná skor.
- 3 E ko-eksaminadó ta evaluá e trabou mas pronto posibel i ta apliká e normanan di evaluashon i e reglanan pa determiná skor ku ETE (Ofisina di èksamen) a duna.
- 4 Den konsulta ku otro, eksaminadó i ko-eksaminadó ta fiha e kantidat di punto di skor pa e èksamen sentral.
- 5 Den kaso ku nan no yega na un akuerdo riba esaki, ta fiha e kantidat di punto di skor riba e promedio aritmético di e kantidat di punto di skor ku kada un di nan a proponé; si ta nesesario irònt bai ariba.

2 Regla general

Pa evaluá e èksamen, ta apliká e siguiente reglanan:

- 1 Eksaminadó ta menshoná riba un lista nòmber i/òf number di e kandidatonan, e kantidat di punto di skor otorgá na kada kandidato pa kada pregunta i e total kantidat di punto di skor di kada kandidato.
- 2 Pa kontesta riba un pregunta, eksaminadó i ko-eksaminadó ta otorgá punto di skor di akuerdo ku e modelo di evaluashon. Punto di skor ta e numbernan 0, 1, 2, ..., n, kaminda n ta e kantidat máksimo di punto di skor ku por optené pa un pregunta. No ta permití otro punto di skor ku no ta number hinté òf un skor ménos ku 0.
- 3 Ta otorgá punto di skor tumando na konsiderashon e siguiente reglanan:
 - 3.1 si un pregunta ta kontestá kompletamente korekto, ta otorgá e kantidat máksimo di punto di skor;
 - 3.2 si un pregunta ta kontestá parsialmente korekto, ta otorgá un parti di e kantidat di punto di skor ku por optené di akuerdo ku e modelo di evaluashon;

- 3.3 si un kontesta riba un pregunta habrí no ta aparesé den e modelo di evaluashon i e kontesta akí, a base di argumento demostrabel tokante kontenido di vak, por ser konsiderá korekto òf parsialmente korekto, mester otorgá punto di skor na analogia òf den sentido di e modelo di evaluashon;
- 3.4 si ta pidi solamente ún ehèmpel, motibu, elaborashon, sita òf otro sorto di kontesta, ta evaluá únikamente e promé kontesta duná;
- 3.5 si ta pidi mas ku un ehèmpel, motibu, elaborashon, sita òf otro sorto di kontesta, ta evaluá únikamente e promé kontestanan duná, te maksimalmente e kantidat pidí;
- 3.6 si den un kontesta ta falta un aklarashon pidí òf splikashon òf derivashon òf kalkulashon òf si esaki ta fout, ta otorgá 0 punto a ménos ku e modelo di evaluashon ta indiká otro;
- 3.7 si den e modelo di evaluashon tin diferente posibilidat duná, separá pa di e signo /, e posibilidatnan akí ta konta komo diferente formulashon di mesun kontesta òf parti di e kontesta ei;
- 3.8 si den e modelo di evaluashon un parti di kontesta ta entre paréntesis, e parti akí no tin mester di aparesé den e kontesta di e kandidato.
- 4 E kontesta korekto riba un pregunta di selekshon múltiple ta e lèter kapital ku ta pertenesé na e posibilidat di eskoho korekto. Pa un kontesta korekto riba un pregunta di selekshon múltiple ta otorgá e kantidat i punto menshoná den e modelo di evaluashon. Pa kada otro kontesta no ta otorgá punto di skor. Si a duna mas ku un kontesta tampoko no ta otorgá punto di skor.
- 5 Den evaluashon di un pregunta por konta un fout solamente un bes, a ménos ku esei ta simplifiká e pregunta konsiderablemente i/òf a ménos ku e modelo di evaluashon indiká otro.
- 6 E mesun fout den kontesta di diferente pregunta mester kontá kada bes di nobo, a ménos ku e modelo di evaluashon indiká otro.
- 7 Si eksaminadó òf ko-eksaminadó ta kere ku den e èksamen òf e modelo di evaluashon di e èksamen tin un fout òf ineksaktitut, e ta evaluá trabou di e kandidato komo si fuera e èksamen i e modelo di evaluashon ta korekto. Pero e mester pone ETE na altura di e fout òf ineksaktitut akí sí. No ta permití pa desviá independientemente for di e modelo di evaluashon. Den e kriterio definitivo di e èksamen ETE ta tene kuenta ku un posibel fout.
- 8 Ta otorgá punto di skor a base di e kontesta ku e kandidato duna riba kada pregunta. No ta duna punto di skor di antemano.
- 9 Ta optené sifra pa e èksamen sentral di e siguiente manera.
Promé i di dos korektor ta fiha skor pa kada kandidato. Ta informá e direktor di e skor akí.
E direktor ta fiha sifra pa e èksamen sentral a base di e reglanan di konvershon di skor pa sifra. Por lesa e sifra akí for di e tablanan di konvershon ku ETE ta pone disponibel despues ku a fiha e sesura definitivo.

3 Regla spesífiko di vak

Pa e èksamen sentral skirbí Hende i Komunidat PKL 2026 promé periodo akí por optené maksimalmente 40 punto di skor. E èksamen ta konsistí di 38 pregunta pa kada kandidato.

Pregunta	Kontesta	Skor
----------	----------	------

4 Modelo di korekshon

Pregunta	Kontesta	Skor
----------	----------	------

Ta otorgá 1 punto pa e kontesta korekto riba un pregunta di selekshon múltiple.

Hende i trabou

1 C

2 skor máksimo 1

Posibel profeshon, ún di e siguiëntenan:

karpinté, mètslá, trahadó den konstrukshon, paipfeter, lasdó, trahadó ku metal.

Otro kontesta na evaluashon di e eksaminadó.

3 skor máksimo 2

Profeshon	Sektor primario	Sektor sekundario	Sektor di servisio
Kahero/a di banko			X
Lasdó		X	
Piskadó	X		
Dosente			X
Kunukero	X		

<i>si sinku krus ta korektamente poné</i>	2
<i>si kuater òf tres krus ta korektamente poné</i>	1
<i>si ménos ku tres krus ta korektamente poné</i>	0

4 skor máksimo 1

E tres términonan korekto ta:

esfuerso - físiko - mental.

5 skor máksimo 1

Estilo di liderato demokrátiko. / Estilo di liderato konsultativo.

6 skor máksimo 1

Nan tur ta firma un kontrato kolektivo di trabou (KKT).

7 D

8 skor máksimo 1

Trabou (empleo) tempu parsial). / Trabou (empleo) partaim.

Pregunta	Kontesta	Skor
----------	----------	------

9 A

10 skor máksimo 1

Posibel kontesta, un di e siguiente nan:

- Nan no ta paga impuesto.
- Nan no tin entrada.
- Nan por bira depresivo.
- Nan tin hopi tempu liber.
- Nan tin tiki kontakto sosial.

Otro kontesta na evaluashon di eksaminadó.

11 skor máksimo 1

Hende muhé ke ...

- sobra mas tempu pa trabou di kas.
- kombiná nan trabou ku kuido di nan yunan.
- sobra mas tempu pa nan mes.
- sobra mas tempu pa desaroyo/formashon personal / por bai studia.

Otro kontesta na evaluashon di eksaminadó.

12 B

13 C

14 skor máksimo 1

Posibel kontesta, un di e siguiente nan:

- Por uza plaka di entrada pa parke natural pa mantené área di naturalesa.
- Protekshon di naturalesa (dor di gobièrnu).
- Ta surgi parke di naturalesa.

Otro kontesta na evaluashon di eksaminadó.

Derechi i deber

15 skor máksimo 1

Posibel kontesta, ún di e siguiente nan:

- Derechi riba fasilidat médiko
- Derechi riba kondishonnan di trabou / kondishonnan di trabou primario (salario, (ora di trabou (ku kontrato), diano di fakansi) / kondishonnan di trabou sekundario (kompensashon di kilometer, dia di verlòf èkstra, outo di kompania, plaka di fakansi)

Otro kontesta na evaluashon di eksaminadó.

Pregunta	Kontesta	Skor
----------	----------	------

16 **skor máksimo 1**

Deber di kuido.

17 **A**

18 **C**

19 **C**

20 **skor máksimo 1**

Posibel kontesta, un di e siguiente nan:

- Pasobra oposishon hopi biaha lo ta kontra maneho di minister.
- Pasobra oposishon hopi biaha lo wak minister krítikamente.
- Pasobra ta tarea di oposishon (parlamento) pa kontrolá minister.

21 **B**

22 **D**

Medionan di komunikashon di masa i suministro di informashon

23 **skor máksimo 1**

tumamentu di desishon demokrátiko.

24 **skor máksimo 1**

interaktivo

25 **B**

26 **skor máksimo 1**

Posibel kontesta, ún di e siguiente nan:

- Ta trata di sensura.
- Prensa mester laga kontrolá su artíkulonnan promé ku nan sali.

27 **D**

28 **skor máksimo 1**

Libertat di ekspreshon di opinion. / Libertat di prensa.

29 **skor máksimo 2**

- Artíkulo 1 ta intenshoná pa: hóben 1
- Artíkulo 2 ta intenshoná pa penshonado / hende grandi / ansiano 1

Pregunta	Kontesta	Skor
----------	----------	------

30 C

31 B

Polítika i maneho

32 **skor máksimo 1**

Núkleo di un kontesta korekto:

Pasobra tur partido di koalishon ku ta den parlamento, ta sostené tur proposishon di lei di gobièrnu.

33 **skor máksimo 1**

Núkleo di un kontesta korekto:

E ta representá Aruba, Kòrsou i Sint Maarten na gobièrnu di reino.

34 C

35 **skor máksimo 1**

Posibel kontesta, un di e siguiëntenan:

- parlamento
- gobièrnu (minister)

36 **skor máksimo 1**

Kontesta ta posibel na momentu di èksamen.

37 B

38 B